

SPECIMEN MEDICUM
INAUGURALE,

CONTINENS

VARII ARGUMENTI
QUAESTIONES.

SPRINGER AND SONS
NEW YORK

VARII ARGUMENTI
QUESTIONES

SPECIMEN MEDICUM
INAUGURALE,
CONTINENS
VARI ARGUMENTI
QUAESTIONES,

QUOD,
ANNUENTE SUMMO NUMINE,
EX AUCTORITATE RECTORIS MAGNIFICI
JOANNIS VAN VOORST,
THEOLOGIAE DOCTORIS EJUSDEMQUE
PROFESSORIS ORDINARIJ,

NEC NON
NOBILISSIMAE FACULTATIS MEDICAE DECRETO,
PRO GRADU DOCTORATUS,
SUMMISQUE IN MEDICINA HONORIBUS AC PRIVILEGIIS,
IN ACADEMIA LUGDUNO-BATAVA,
RITE AC LEGITIME CONSEQUENDIS,

DEFENDET
SERP BROUWER,

FRANEQUERA — FRISIUS.

Ad Diem XXIX. Aprilis MDCCCXVI. Hora XI.

LUGDUNI BATAVORUM
APUD L. HERDINGH ET FILIUM.
MDCCCXVI.

THE UNIVERSITY OF CHICAGO

LIBRARY

CHICAGO, ILL.

QUESTIONS

AND

ANSWERS

TO THE

QUESTIONS

AND

ANSWERS

TO THE

QUESTIONS

AND

ANSWERS

TO THE

QUESTIONS

AND

ANSWERS

—

—

—

—

P A R E N T I B U S
P R A E C E P T O R I B U S

A T Q U E

A M I C I S.

P A R E N T I B U S

P R A E C E P T O R I B U S


A T Q U E

A M I C I S

SPECIMEN MEDICUM INAUGURALE,

CONTINENS

QUAESTIONES VARIII ARGUMENTI.



I.

Varias sanguinis functiones contemplanti, fatis eorum mihi placuit sententia, qui sanguini vitam tribuerent. Sive enim vita fit necessarium aliquid compositionis complicatae chemicae, sive, quod magis nostrum faceremus, singulare aliquod incognitum, materiei compositae additum, (*) vita tamen semper indeterminatum aliquod pro nobis est, et in utraque hac hypothesi, infra dignitatem erit humoris, ex quo omne id, quod in C. H. vivit, nutritur, restauratur, de novo gignitur, vitam denegare. Si enim compositionis effectus esset vita, sanguis jure diceretur vitalis; est enim

(*) *Proeve over den invloed der Scheikunde op de werkingen des Dierlijken Ligchaams*, door C. G. ONTYD, Med. Dr. *Zie Geneeskundig Magazijn*, Deel I, pag. 1. en v. v. Deel II, pag. 214.

enim secundum FOURCROY (Tableaux synoptiques de Chimie)
 „ liquidum rubrum, concrefcens in quiete et frigore, coagula-
 „ bile per calorem, abiens in tres partes diverfas conftituentes
 „ per quietem et lotionem, 1°. ferum album, analogum albu-
 „ mini ovi, concrefcens ad ignem et per acida, continens phos-
 „ phata varia; 2°. ferum rubrum, in cujus compositionem intrat
 „ extra ea, quae in fero albo adfunt, phosphas ferri cum exces-
 „ fu ferri oxydati, quod colorem illi tribuit; 3°. fibrina, folida,
 „ folubilis per acida debiliora, infigniter azotifata, quae per de-
 „ stillationem dat multum olei fpiffi, muriatis ammoniae et acidi
 „ prussici;” accuratam fingularum harum fanguinis partium hi-
 ftoriam omittenti, ex hac fanguinis chemica definitione, fatis
 patere vifum eft, ad maxime compofita, ad animalifationis cha-
 racterem habentia pertinere fanguinem; cui quidem, admiſſa priore
 hypothefi, neceſſario vita competeret. Si vero fecundam admit-
 tamus hypothefin liquorem adeo compofitum, facile eſſe ſubſtra-
 tum, cui fingulare illud vitale addi poſſet, rite intelligemus.
 Quantus eſt apparatus ad fanguificationem pertinens? Organa ad
 maſticationem, deglutitionem, digeſtionem, abſorptionem et chy-
 lificationem facientia, totum ſyſtema glandularum lymphaticarum,
 inferviunt mediate vel immediate, ut fanguis paretur; requireba-
 tur ſcilicet, ut ea, quae maſſam humorum ingrediantur, prius
 continuas ſubirent decompositiones, dein novas inirent compoſi-
 tiones; ſic perſpicuum evadit, ex variis ingeſtis eundem formari
 fanguinem, qui ſemper de novo compoſitus idem offert vitae ſub-
 ſtratum. In fanguinem cum tranſiere ingeſta, vel potius ingeſto-
 rum pars organoſmo noſtro praecipue conveniens, per omne cor-
 pus jam diffunduntur, omnia organa nutriunt, et modo nobis in-
 cog-

cognito ipsam substantiam seu compositionem organorum intrant. Transeunt in organa vita gaudentia ingesta, hinc vitae fiant participia, sive sanguinis vitalitatem admittamus, sive fecus, agnoscere necesse est. Jam magis probabile mihi videtur, hunc transitum obtinere in organis, qui sanguinem ex ingestis parant, quam quod illic tantum se monstraret, ubi sanguis solida intrat; eo nempe ductus 1°. quod differentia inter ingesta et sanguinem sit major, quam hujus cum plerisque organis, quae nutrit, hinc mutatio insignior. 2°. Quod apparatus ad has mutationes praestandas, magis sit complicatus, ubi ex ingestis paratur sanguis, quam ubi sanguis transit in ipsa organa. 3°. Quod nulla possunt inservire, ut nutriatur corpus, i. e. ut nulla (*) possunt ingeri, transitui in sanguinem idonea, quam quae organismi characterem offerunt, vegetabilis nempe victus vel animalis; praedispositio pro vitalitate, conditio nutrimenti est.

Verum et alia spectanda sunt argumenta, quod jam agamus. GAUBIUS (†) dicit „nulla assignari potest particula, quae dum „vita gaudet, mero constet solido, et mollitudo fibrae magis „quam durities vi vitali faver.” Et quid perspicacius dici posset? Distinctio in solida et liquida est per abstractionem ingenii, non ex natura desumpta; quomodo igitur solidis vitam concederemus, liquidis abnegaremus, dum unum absque altero non occurrat in C. H.? Sed non solum vita erit tribuenda liquidis, „mollitudo „li-

(*) Aqua, ad regnum minerale pertinet, adeoque exceptionem hic facere posset; sed magis vehiculum quam nutrimentum dici meretur; praeterea ad omnia regna pertinere dici posset, nam et vegetabilia et animalia aequae ad compositionem aquae indigent, quam crystalli.

(†) *Institut. Patholog.* §. 187.

„littudo fibrae magis quam durities vi vitali favet,” imo vel hanc thefin asumere licebit, quo magis liquida praedominent eo intensior vita est (*). Initium hominis quid est? Guttula humoris, uti videtur, homogenei, transparentis, cui adesce organisationis vestigium monstrare nullus Physiologus tentavit; et anne huic humori organisationem et vitam denegaremus? Imo nullo quidem stadio tantum agit, quantum hic agit vita.

Quo magis contra ad solida transit embryo, eo lentiores sunt variorum organorum evolutiones.

Ista animalia, quae in unaquaque sui parte rationem sufficientem existentiae monstrant, vita maxime intensa gaudent: sic, polypi oculis nil nisi gelatinam viventem monstrant, vita tamen fere non exstinguenda in hisce animalibus adest.

Si infantem spectemus, hic omnia mollia, hic et vita viget; in sene vero omnia durefcunt; quae mollia fuerunt, in statum solidum transiere, ast hic et mors prope adstat. Vitae favet ergo liquidorum praepondium et soliditas non est nisi accidens materiae viventi. Ab hac parte sanguini vitam tribuere secundum analogiam erit.

Porro secretioncs istae morbosae, organicae materiei formam exhibentes, quas pseudo-organisationes dicunt, sanguinis sunt educta; monstrant organisationes novas, vasa nova, et anne tale quid posset tribui liquori non vivo? Spectatur et similis secretio in statu sano; membrana decidua Hunteri nempe quasi crySTALLINATIONEM (†) vitalem partis fibrinae sanguinis, seu plasticae, mon-

(*) SOEMMERING *über das Organ der Seele*, §. 35. 7

(†) AUTENRIETH *Handb. d. Empir. Physiol. d. Menschl. Körpers*, §. 14

monstrat; forma enim fibrosa in toto C.H. est conspicua, imo quod nos organisatum dicimus, id ipsum est fibrillosum seu cellulofum; neque productum vivum formatum, nisi ex latice vitali, assumere possemus.

In disertatione celeberr. KIESERII, cui per Teylerianam societatem alteram summi honores sunt concessi, quae est de organisatione plantarum (*), auctor canales inter cellulas parenchymatis conspicuas, dicit esse pro vasis liquorem nutrientem vehentibus, et in hoc liquore globulos agnovit, quae sunt rudimenta cellularum futurarum; liquorem porro hosce globulos continentem, adeoque partes continentem organisationem plantarum constituentes, dicit participem vitae vegetabilis. Jure conferri meretur hic liquor cum sanguine, nam et sanguis continet partes organisationem corporis animalis constituentes, jure et hinc sanguis dicetur particeps vitae animalis. Sed si sanguis gaudeat vita, quomodo secreti exinde liquores se habent? Datur hic differentia insignis: dividuntur secretiones (†) in recrementitiales, excrementitiales et excremento - recrementitiales. Prioris productis vitam convenire putarem, sic femini virili, liquori in ovulis Graffianis contento, vita erittribuenda; secundae, productis negarem, fecernuntur hic partes vitae non amplius idoneae; transeunt ex partibus solidis tales partes ad sanguinis massam, et sanguis vehiculum quasi est, quo ad organa secretoria haec nimis animalisata perducantur, huc pertinent praecipue sudor, urina, etc.

Tertia vero clasfis, ad quam pertinet bilis, succus pancreaticus, etc. forsan vitalitate aliqua gaudet, sed limites justos ponere ubi de-

(*) *Verhandelingen van Teylers tweede Genootschap*, Deel XVIII. pag. 218. en v. v.

(†) RICHERAND *Physiol.* I. pag. 426.

desinat vita, ubi vigeat exili quamvis gradu, difficile admodum est. Singulari secreto humori sua erit affinitas pro vita; bilis v. g. productum est valde animalisatum, et hac ab parte cum secretis excrementitibus conferendum; inservit vero ut mixtionem ingestorum mutet, et forsan ut illis inprimat characterem illius mixtionis animalis, quae ad vitam est necessaria individuale. Hinc quod illius aliquo morbo impedita secretio mala in organismo efficiat, non ex sola solidorum affectione explicanda, sed ubi et mixtionis mutatio assumenda videtur. Mira sapientia conspicua in omni C. H., nulla fere functio uni tantum scopo inservit; sic in nostro casu, secretionem excremento-recrementitium necessariam esse puto, 1^o. ut ex sanguine partes deponantur, vitae non amplius idoneae, sed simul 2^o, quia earum indoles sit talis, ut cum minus animalisatis mixtae, hic rursus constituent compositionem ab omni parte idoneam, ut denuo C. H. intret. Ab hac parte igitur et nulla erit difficultas sufficiens ad rejiciendam sanguinis vitalitatem.

Denique generalis illa qualitas vitae, quod contra leges compositionis chemicæ innuat, etiam sanguini competit: quamvis enim non negemus mixtionis mutationes varias posse subire sanguinem, et saepe variationes adesse chemico examine non detegendas, putredo tamen sanguinis in corpore vivo non invenitur, et status ille dissolutus maxime ad putredinem vergens, erit status morti proximus. Cernimus etiam post illos morbos, ubi exhausta quasi fuit humorum massa restaurantium, celeriores obtinere putredines, quam post eorum mortem, qui morbo subitaneo violento fuere deleti; superesse organa, post mortem quae vitae quasdam monstrant reliquias, satis probatum puto; intestina, secundum Richerandum, abdominalia ultimo

moriuntur (*); nonne et sic tardioris putredinis post mortem in eo esse causam liceret proferre, quod sanguis in hisce casibus vitae reliquiis gaudeat, caeteris jam mortuis? Sic et putredo celeriori fulguratorum esset, ex vitae momentanea et plenaria deletionem per fluidum electricum ubique penetrans et vel vitam in sanguine delens.

Sanguinis vitalitas mihi faltem ex variis hisce maxime probabilis fuit visa.

II.

Cum in primordiis versabantur scientiae, vel potius, cum scientiae nomine nondum digna cognitio humana, nulla rite explicabant naturae phaenomena homines, sed Deorum operationi immedatae omnia attribuere. Agnovere dein quaedam, quae, dum ubique et semper eodem modo se habebant, naturalia dixerunt; accrescente vero scientia dilatavere hunc campum, et in mundo physico permulta ex legibus naturae generalibus ubique observandis explicuere, et mathematica applicantes generalitatem et necessitatem phaenomenorum monstraverunt. His vero succedentibus, cum ad explicationem functionum organismi accederent, et C. H. tanquam objectum physicum spectabant, quin et leges Physicas vitiose ad vitalia systemata applicantes, varia admodum legibus Physicis non explicanda explicare tentabant. Chemia vero cum tantos, praecipue temporibus recentioribus, progressus sibi comparaverat, ut nova fere scientia dici mereretur, de novo multa sunt.

(*) *Elem. de Physiol.* I, pag. 18.

sunt detecta, quae applicationi ad organismum inservire posse Viris Doctis visa sunt. Haec enim scientia aequae ac Physica corporum proprietates spectat, sed magis internas relationes operationum corporum in se invicem monstrat. Longe tamen distat, quod eo usque perventum sit, ut, hisce omnibus de rebus non vivis cognitis, rite varias functiones et mixtionis mutationes explicaremus; semper multum haeret ex legibus naturae Physicis et Chemicis, saltem huc usque cognitis, non explicandum, quae reducimus ad fontem incognitum, ad vitam, hinc vitae phaenomena dicuntur.

Quamvis autem lubenter haec agnoscamus, statuere mihi haud abs re videtur, comparisonem variarum operationum in vivo corpore, cum eis quae in mundo non vivo cernimus insignem habere utilitatem, et Physicas quidem leges in variis casibus ad functiones in vivo corpore posse applicari; quod exemplis adductis probare propositum mihi est, et praecipue quidem exemplum desumere ex circulatione sanguinis. Motus sanguinis a corde ad corporis extrema, est mutatio loci aliqua vi, et hactenus objectum Physicum. Per arterias ad omnes C. H. partes deferitur sanguis, quae continuo per ramificationes pergunt: dictum est, quia arteriae minores simul sumtae majores sunt, quam una arteria magna, unde originem desumunt, difficultas exoritur in explicanda circulationis celeritate. Nostrum erit ex legibus Physicis hanc difficultatem tollere, et quidem 1^o. monstrare conabor non adeo magnam esse differentiam inter arteriam majorem, et arterias minores simul sumtas, quam quidem primo aspectui assumeretur, dein 2^o. hanc differentiam nil afferre quo minus circulationis celeritatem rite explicaremus.

I. Mensurae arteriarum, vel potius diametrorum arteriarum sunt institutae in cadaveribus; ast omnes arteriae, quia contractilitate gaudent, in vivo corpore minores offerunt diametros, quam in cadavere, ubi tonum amiserunt (*); porro, arteriae quo minores eo majore contractilitatis relativae gradu gaudent (†), quia ratio tunicae muscularis, quae praecipua in arteriis sedes contractilitatis, ad lumen, in minoribus arteriis major est, quam in majore arteria. Hinc educere licet, mensuras istas non recte esse institutas, si hujus majoris minorisve contractilitatis relativae ratio non sit habita; et quia lumina ad se invicem sunt uti quadrata Diametrorum, parva differentia in Diametrorum dimensione facit insignem in producto varietatem monstrabit. Sit v. g. a diameter arteriae majoris, pergentis in duos ramos, quorum diametri sint b et c . Patet lumen arteriae majoris esse ad lumina duorum ramorum simul sumpta, uti $a^2 : b^2 + c^2$: jam loco b et c sumantur $b - 1$ et $c - 1$, mutabitur haec ratio in $a^2 : (b - 1)^2 + (c - 1)^2 = a^2 : b^2 - 2b + 1 + c^2 - 2c + 1$: erit differentia $b^2 + c^2 - (b^2 - 2b + 1 + c^2 - 2c + 1) = 2 - 2(b + c)$, quae erit (positis $a = 5$ et $b = c = 4$) $= 2 - 2(4 + 4) = -14$: ergo loco $25 : 32$ erit ratio $= 25 : 32 - 14 = 25 : 18$. Ex hisce patet 1°. vulgo neglectam esse diversitatem relationum arteriarum ad se invicem, prouti se habent in cadavere, cum eo statu, qui in vivo corpore adest, 2°. satis insignes errores hanc neglectiorem posse efficere.

II. Ut

(*) RICHERAND *Physiolog.* I. pag. 317.

(†) Id. *ibid.* pag. 312.

II. Ut probem differentiam hancce arteriarum luminum, non id efficere, ut vis, qua sanguis ejicitur, diminuatur, liceat comparisonem (*) instituere inter circulationis mechanismum et machinam, qua per aëris pressionem continuo in actum ductam, aqua in longinquum ejaculetur (*brandspuit*); loco aëris pressionis continuæ, hic adsunt tubi contractiles, elasticos quos diceremus, si nulla vitæ ratio esset habita; hanc comparisonem merito posse institui ex eo patet, quod cordis contractio et arteriarum dilatatio sint contemporaneæ, hæc vero se contrahant, dum cor distendatur.

Sanguis ejicitur per cordis contractionem in arterias; ipse vero sanguinis progressus erit arteriarum operatione. Momento ubi cor se contrahit, dilatantur arteriæ per novam sanguinis massam injectam, quæ dum ubique arteriæ sanguine repletæ sunt, in totam columnam sanguineam simul operatur, clausis valvulis semilunaribus: hinc et per totum corpus pulsus contemporaneus invenitur, qui si absit, ex vitio structuræ, vel vis contractilis auctæ diminutæve arteriæ cujusdam singularis erit explicandus. Injecta massa sanguinea momento vincit arteriarum vim contractilem, hæc vero per ipsam hanc dilatationem in actum ducitur, et sic sanguinem vel ad corporis extrema arteriæ ducunt, ubi nempe ad vasa capillaria pergens eas perficit functiones, quæ ad restaurationem requirebantur: hinc patet celeritatem sanguinis circulationis non pendere a diametris vasorum, sed a differentia inter statum dilatatum et contractum arteriarum, vel a vi contrahente arteriarum, quia continuo pergit hæc actio; sequitur porro, quod quantitas sanguinis æqualis quantitati, per cordis cavitatem sinistram in ar-

(*) HUFELAND J. d. p. II. 1815, September.

teriam aortam injectae, debeat dividi per omnes arterias minores, ut, ratione habita ad differentiam luminum in statu contracto et dilatato, portionem debitam ad locum destinatum vehant; vel erit quantitas sanguinis transeuntis per arteriae minoris lumen, durante una ejectione sanguinis per cordis cavitatem sinistram, ad quantitatem per cor injectam in aortam, uti differentia inter statum contractilem et dilatatum arteriae minoris, ad eandem differentiam omnium arteriarum simul sumtarum.

Jam si ad vasa capillaria pergit sanguis, dum ad intimam organorum substantiam transit, non amplius sub dominio erit physicae applicationis; hic enim ipsa sanguinis massa et quantitate et qualitate mutatur; id vero certum puto per vasorum contractionem et hic illius transitum ad venas promoveri, neque negari posse hanc operationem in sanguinem continuo propulsum in venoso systemate; de qua re singularis observatio prostat in Hufelandi Diario l. c., ubi nempe venae eodem tempore ac arteriae pulsantes cernebantur. Continuo agunt vasa in massam contentam; sed venae sunt majoris luminis ratione habita tunicarum, quam arteriae, et minor certe contractilitas, verum omnem abnegare non licet; valvulis porro gaudent venae, quae continuo basin offerunt, ut omnis contractilitatis effectus operetur in propulsionem sanguinis, quaeque ideo necessariae, quia venae incipiunt a systemate capillario, hinc absque valvulis, contractionis effectus sanguinem pro parte ad hoc systema retruderet, quod in arteriis aequè obtinet, clauditur nempe retroitus per valvulos semilunares: venarum porro numerus excedit numerum arteriarum (*), hinc, quam-

(*) RICHERAND. *Physiolog.* I, pag. 334.

quamvis actio venarum sit minus valida in sanguinem contentum, massa, quam vehunt, major erit; hinc idem effectus, quam si cum minoribus luminibus, velocitas esset aucta per contractilitatem majorem; nam quantitas sanguinis transeuntis erit in ratione multiplicata luminum vasorum et celeritatis qua massa transeuns vehitur. In arteriis in genere lumen minus, celeritas vero major est, in venis lumen majus, celeritas vero minor; patet producta posse esse aequalia, et differentia productorum nulla aderit, si quantum de sanguine ad nutritionem et secretiones varias deponitur, tantum et addatur principiorum animalisatorum ad massam sanguineam, addita refrauratione per vasa lymphatica.

Hicce rite perpenſis non liquet, quare, ut sanguinis circuitum celerem explicemus, confugeremus ad vim aliquam propellentem in ipso sanguine asſumendam, quam Polaritatem globulorum sanguineorum recentiores dicunt (*): eoque magis hancce doctrinam rejicerem, quia contra leges physicas posita mihi videtur.

Comparatio est significata, ni fallor, per hanc vocem, cum eâ, quam cernimus in ejusdem ordinis polis magnetae repulsione; verum ſumantur duo acus ex chalybe, magnetica virtute pollentes: tres poterunt obtinere casus, si in liquorem aliquem ita immittantur, ut natent ad superficiem, 1°. poli diversi ordinis sepetent, 2°. repulsio efficiet versionem, 3°. repulsionem efficiunt poli ejusdem ordinis sibi oppositi.

In priore casu erit attractio, nulla vis propellens; in secundo casu, acubus lateraliter sibi appositis, erit versio circa centrum, ergo et hic nulla propulsio; in tertio casu, ambo acus se fugient;

(*) CONSERUCH *Physiologisches Taschenbuch*, 2 Auflage S. 114. b. pag. 99.

gient; hoc ergo si eveniat in globulis sanguineis, unus globulus tantum antrorsum, quantum alter retrorsum movebitur, et effectus quo ad propulsiōem totius masfac erit aequalis zero. Si igitur polaritas ejusmodi adesfet in sanguine, nihil tamen ad circulationis phoenomena explicanda conferre posset.

Hisce adductis ad circulationem explicandam, fatis confirmatam puto utilitatem Physicae in contemplatione functionum organismi. Non autem sola circulatio hanc monstrat utilitatem, verum et alia supersunt. Referri huc possunt ea, quae ad refractionem radiorum lucis per oculi variae densitatis humores ex Physicis petuntur, et quae basin tribuunt ad corrigendos visus varios morbos; haec vero applicatio, fatis ab omnibus agnita, ne vel quaestionis materiam amplius praebere posset. In aliis vero sensibus minus bene pergit; ad auris externam formam forsā theoria refractionis aëris applicare licebit: caeteri vero sensus ad ipsam sensationem magis directam sunt dispositi. Oculus tantum est organum pro refractione; sensatio a retina ad cerebrum pergit.

In quantum vero partus mechanismus potest spectari tanquam operatio physica, Doctiss. A. VAN SOLINGEN, in opere eximio de partus mechanismo, fatis superque monstravit; non tantum, ut exinde esset fundamentum, unde pateret quatenam ars subsidia afferre debeat, sed ut et a priore doceremus, pelvim muliebrem talem habere structuram, quae, cum transitui infantis, tum pro hominis statu erecto, maxime conveniret.

Consideranti hasce Physices applicationes, haec posse statui thesis mihi visa est, „ quod Physicarum applicatio ad functiones. C. H. fit licita, in quantum spectant phoenomena motus, et motus modificationum.”

Nam influxus atmosphaerae, frigoris, caloris, aliorum, si ab aliqua parte convenirent cum eisdem effectibus in corporibus non vivis, reducendi mihi videntur ad Chemiam.

I I I.

Hominem majori numero morborum subjectum esse, quam caetera animalia, quotidiana docet experientia; simul vero docemur, insignem morborum numerum deberi vivendi rationi, et praedispositioni ad morbos auctae, quia infantes parentum debiliorum in genere hujus debilitatis erunt participes. Moveri tamen potest quaestio, „ anne homo per se spectatus, ex sequelis necessariis „ organismi magis ad morbos sit praedispositus, quam caetera animalia, numve pari pasu cum hisce ambulet.

Si hominem ubique per totam terram vitam degentem contemplemur, insignesque temperaturae, nutrimenti et vivendi rationis necessariae diversitates in censum ducamus, nullum animal in tanta rerum extra se positarum differentia sanum vivere constabit; astqui haec omnia hominem posse perferre est ex eo, quia facilius diversis vita generibus se asuefcit natura humana, quam caeterorum animalium; ergo hinc deducere possemus tanta gaudere hominem perfectione structurae et vis vitalis, ut magis, quam aliud quodvis animal, potentiis externis diversis resistere posset absque noxa. Ab altera vero parte, homo, relative ad caeteras animalium clasces, spectatus, maxime perfecta gaudet structura, et quo magis ad clasces inferiores descendamus, eo minus externis laesionibus eas affici, eoque vita tenaciore gaudere docemur: sic v. g. testudo per plures septimanas sine cerebro vivere potest

test (*), in homine quaevis minima cerebri laesio periculosa, saepe lethalis est; amphibia in genere insignia respirationis damna egregie ferunt, in homine respiratio per breve tempus impedita, necessario mortem sequelam habet, estque conditio vitae; haec ergo consideratio nos ad eam adduceret sententiam, hominem ipsa magis perfecta structura causam ostendere, quare praedispositio ad statum a sanitate recedentem sit aucta (†).

Sola methodus, qua plenarie hanc controversiam dirimeremus, esset experientiae; sed hic fons hoc in casu non adeundus, quia distinctio erit admodum difficilis, ane ex seminio naturali communi cum causis occasionalibus nocentibus, ane ex dispositione aucta per praecedentes potentias nocentes, ane demum ex seminio naturae humanae proprio oriantur morbi: accedendum ergo esset ad populos secundum naturam, uti dicitur, viventes; sed quinam sunt? Vel in societate vivunt homines, hicque ordinum differentia, luxus initia et ejus sequela paupertatis miseriae jam efficient deflexum a statu illo ideali, quem naturae humanae maxime convenientem diceremus; vel, si secundum naturam, putet aliquis, hominis plenaria ferocitas et vitae genus individuale; de talibus scientiarum et literarum defectus vetant relationes morborum; quin et si minus morbis esset subjectus talis homo, hoc esset ex eo quod humanam deposuerat naturam.

Decisio hac in re difficilis: probabilior autem mihi visa est sententia, hominem magis ad morbos esse praedispositum

(*) CUVIER *Leçons d'Anatomie Comparée* Tom. II. pag. 94. GALL und SPURZHEIM *Anatomie des Nervensystems und des Gehirns*, pag. 6.

(†) RICHERAND *Physiologie* I, pag. 129.

ex sequelis necesfariis organisationis quam caetera animalia, quod, remotis prius quae a contraria afferuntur parte, probare conabor.

Homo totius quidem terrae incola est, ast insignem in vitae genere, et temperatura solitis variationes aegre perfert; non nisi gradatim et lente admodum asfuescit homo diversis a consuetis, et per multa genera harum variationum vestigia sentiuntur; v. g. homo Europaeus, non nisi cum foeminis Europaeis connubia iniens, migret ad terram aliquam intra circulos tropicos sitam; antequam talis sit ejus habitus, qualis est habitus incolarum, et qui certe requiritur ad sanitatem summam in ea regione sistendam, multum temporis elabetur, nepotesque demum cum nanciscuntur (*). Patet hinc hominem eximie sentire hasce variationes. Singularis quidem illa dispositio hominis, quod vegetabili aequae ac animali victu uti potest, certe multum illi affert commodum, ita ut hancce diaetam mutet pro vario climate, in zonis frigidioribus victu animali maxime fruens, in calidioribus vegetabili; sed nonne haec ipsa structura, dum pro utroque victu indicationem ferat, notare videtur, homini maxime convenire istam temperaturam, qua utrisque simul utitur secundum naturae institutum, i. e. temperaturam medium inter extrema frigoris et caloris monstrantem? Omne nimium hoc in casu certe nocet. Comparationem instituit Autenrieth (†) vitae humanae sub hoc aspectu cum aqua; nimius calor in vapores cogit aquam, frigus contra glaciem efficit, in utroque vero casu aqua non amplius adest; sic vita humana et nimio calore et nimio frigore consum-

mi-

(*) CAMPERS *Kleine Schrifte* I. 1. pag. 38. et 48.

(†) *Handbuch d. empirisch. Menschl. Physiologie*, I. Theil p. 358.

mitur. Zona temperata igitur est ea, quae ideali sanitati hominis maxime conveniret. Vivit tamen homo et in caeteris regionibus, et si differentia a temperatura media non nimia adsit, sanus vivit: multum vero huc confert, quod homines ingenio adjuti, arte nimis saltem nocentes injurias externas temperaturae corrigant; sic intenso frigore; vestimentis densis calorigi interni abductionem impediunt, in calidioribus, unctionibus cum adipe, cutis operationem continuam excitant; ut nempe transpiratio cutanea, alias per cutim fervore aridam impedita, nimium abduceret calorem et nimiae auferret animalisationis producta. Quamvis igitur varia admodum perferat homo, non tamen absque noxa perferre potest, et saepe arte corrigit, quod secus contra illius naturam esset. Si porro respiciamus, quanta sit varietas populorum a se invicem, licet tantum dotes corporeas in censum ducamus, hoc magis adhuc confirmatur: nam quamvis pro parte hae varietates pendant a vitae genere, et clima huc insigniter conferre nullus dubito. Hisce ductus, hominem totius terrae incolam non esse absque noxa naturalem affirmarem.

Quare homo nobis videatur magis ad morbos dispositus quam animalia, jam paulo propius erit spectandum. Anatomia comparata satis quidem monstravit generalem typum observandum per totum regnum animale, et praecipuam convenientiam hominis inter et mammalium caeterorum structuram; differentia vero satis insignis superest ab homine ad perfectissimum mammale, et haec quidem differentia nobis erit basis divisionis causarum quare homo ad varios morbos sit praedispositus, quibus animalia minus subiecta sunt.

1°. Nullum animal gaudet systemate cerebrale et sensuali adeo evoluto, quam homo.

2°. Nullum animal statum erectum continuum offert nisi homo.

3°. Nullum animal tam parum statui naturali, quem dicunt, aptum videtur, quam homo.

I. Magis evolutum in homine cerebrum supponit {adesse autem sensibilitatem, et organa pro sensibus internis, quorum vestigia in animale vel frustra quaeruntur, vel imperfecte adsunt (*) ; sensibus externis perfectissimis etiam gaudet homo, nam si vel unus alterve sensus perfectior adesset in aliquo animale, odoratus v. g. in cane, congregatio omnium sensuum nullibi invenitur adeo perfectorum uti in homine spectantur.

Hinc patet vitiis organorum sensualium internorum et externorum hominem magis esse obvium quam animalia, quia haec organa, quanto sunt perfectiora, eo gaudent tenuiore sensibilitate. Porro, animi pathemata referuntur quidem ad sex res non naturales, verum illa facultas per tot et tam varia animi pathemata posse affici haeret in ipso organismo humano, et quam late hinc patet campus, quo pro homine est dispositio ad morbos quibus animalia carent.

Singularia posse affici organa cerebralia, exemplis potest probari; sic v. g. memini me observasse defectum solius memoriae localis, integris caeteris mentis facultatibus; homines etiam cerimus maniacos, melancholicos, hypochondriacos per animi pathema aliquod vel nimis longe et intense de re determinata cogitationem: quamvis autem de modo existendi animalium, vix nobis aliquid cognitum esse potest, certum tamen puto, animae facultates

(*) GALL und SPURZHEIM über das Nervensystem und Gehirns pag. 16. et 434. et CUVIER *Leçons d'Anatom. Comp.* II. 175.

tes cum nostris conferendas illis non competere, neque animi pathemata uti homini adsunt, sed potius instinctus pro conservatione sui, pro conservatione prolis et consuetudinarium aliquid, quod illis pro memoria vest: omnes ergo morbi qui sive ex hisce animae facultatibus et pathematibus originem desumunt, sive in pejus vertantur, hominis praedispositionem ab hac parte esse auctam satis monstrant, animal contra ab his morbis erit immune.

II. Status erectus soli homini competit; nam de fimiis quadrumanis satis evictum puto statum erectum continuum illis esse contra naturam (*); ergo si praedispositio ad morbos aliquos hinc augeatur, et hoc homini soli erit proprium. Herniae pleraequè occurrunt, sub ligamento Poupartii vel per anulum abdominalem si aliquod viscus descendat, et ad hosce locos, ubi fulcra minus firma viscera abdominalia sustentant, pressio continua major erit in homine, erecto statu gaudente, quam in caeteris animalibus; hinc ad hernias praedispositio naturalis erit aucta in homine; ut et prolapsus intestini recti et uteri ex eadem causa hominis maxime erunt morbi (†); experientia de hac re certiores nos facit, et quamvis non negarem tono debilitato et partim deberi generalitatem horum morborum in homine, non minus certum puto praedispositionem pro his morbis naturalem homini sano majorem esse quam animali cuilibet sano.

III. Nullum animal tam parum statui naturali aptum videtur quam homo. Ideale aliquid est proxime ad barbarismum accedens

(*) CUVIER *Tableau élémentaire d'Histoire Naturelle des animaux* pag. 94. et CAMPER de *Anatomia Ourang-Outang*. Cf. *Kleine Schrifte* I, 11. pag. 65.

(†) Oplossing eener Prijsvraag voorgesteld door het Bataafsche Genootschap, te Rotterdam tegen 1 Maart 1783. pag. 32. Cf. CLAR. MULLER, *Oratio Inauguralis de Morbis* P. CAMPERI, pag. 31 et 66.

dens, status naturalis hominis qui dicitur perverso nomine; hominis enim organisationis altioris sequela est, quod societatem appetat, et confortii qualiscumque effectus erit; quod prius viribus corporis dein et mentis unus alterum vincere tentet; ordinum hinc varietas necessaria societatis sequela, hinc luxus et pauperies; ergo omnes morbos homini ex luxu et pauperie exorientes derivare possemus ex impetu illo, qui ad societatem eum impellit.

Praeterea absque vitae ratione a statu illò simplice reflectente nusquam ingenii culturam procedentem cernimus, atqui huc compellimur eò, quod animalibus sumus praestantiores, cujus praestantiae necessarium substratum est organisatio hominis nobilior; ergo hinc docemur, quod inpetus ad ea, per quae animalibus sumus praestantiores, quique semper, dum societas eorum evolutionis conditio est necessaria, luxu et pauperie comitatur, sit causa, quare homo ex naturae instituto subjectus sit morbis ex societate redundantibus; et hoc quidem in sensu, homo, naturaliter praedispositus dici meretur ad morbos societatis, quod secus apud animalia obtinet. Id vero et simul observare liceat, quod quidem plures ex societate pro homine oriantur morbi, simul vero homini observatori suppeditetur scientia, quae id restituere in multis casibus valeat, quod vivendi ratione minus normali fuerat perditum. Medicina nempe homini simplicissimo, modo viventi minus necessaria, hodie artis divinae peritis summum praerogativum affert, conscientiam beneficiorum erga genus humanum. Mihi vero ex hisce praedispositio insignior hominis ad morbos multos, quam animalium, satis probata videtur.

I V.

Eam infantis in utero positionem, [qua capite prius descendente, mento ad pectus presso, frons versus symphyfin Sacroiliacam dextram, occiput versus cavitatem coryloideam sinistram situm est, omnium esse faustissimam, et experientia docuit, et ex consideratione mechanismi partus Doctisf. A. V. SOLINGEN (*) de monstravit. Illustrisf. BAUDELOCQUIUS observavit hanc positionem, quam primam dixit, saepissime occurrere, ita, ut in 10323 casibus ubi caput primum se monstrabat, 8522 infantes in hac prima positione caput offerrent (†), ergo 0,826 ad unitatem ratio erat, numeri casuum ubi prima positio capitis se offert, ad omnes casus ubi caput prius descendit. Natura igitur egregie curavit longe plurimis in casibus, talem in utero situm esse infantis, ut aptissime per cavitatem pelvis descenderet, et sic partus perficiatur modo, quo mechanice spectato semper omnia feliciter absolventur, si pelvis bene fuerit conformata muliebris. Ex hoc saepissime occurrente phaenomeno jure deduco, rationem esse sufficientem, quare ita natura agat, et hancce rationem esse in relationibus infantis ad matrem. Nostrum jam erit hanc rem accuratius spectare.

Tria praecipue hic occurrunt, 1º. caput prius descendit 2º. caput descendit mento ad pectus flexo, 3º. occiput versus cavitatem coryloideam sinistram situm est.

1º. BAUDELOCQUIUS (§) refert in casibus 10685, ubi po-

(*) A. V. SOLINGEN *Algemeen. Grondbeginsel der Verloskunde.*

(†) *L'Art des Accouchemens*, Tom. 1. pag. 365. edit. 5. §. 671.

(§) Loco citato §. 660.

fitio bene fuit agnita, 10322 casus occurrise, in quibus cranium infantis prius descendebat; relatio numeri casuum ubi cranium prius se offert, ad numerum omnium casuum obviõrum erat igitur, uti 0,966:1; ratio vero simplicissima est, et quidem in eo videtur quaerenda, quod priori graviditatis tempore infans in liquore amnii libere nater, hinc caput caeteris partibus specificè gravius, inferiora petat, ideoque nisi causa aliqua vehemens hanc positionem turbaverit, in genere haec positio erit maxime obvia secundum naturae institutum.

2º. Quod mentum sit prope pectus, seu quod occiput prius descendat explicandum mihi videtur ex capitis infantis forma. Si ponamus ubique eadem gravitate gaudere partes capitis, quod saltem respectu sectionis perpendicularis licebit ponere, vix credo differentiam interesse inter gravitatem partis faciem spectantis et partis occipitalis; infante vivo saltem nato, nusquam potui observare fatigationem a capite erecto, quod si aliqua pars gravior esset, vis adhibitae necessaria esset sequela. Vulgo tamen assumitur partem facialem esse graviolem; si hoc ita se haberet, haec gravitas efficeret causam, quare frons prius descenderet; nam ex legibus physicis notum est, quod si corpus aliquod teneatur aliquo puncto fixo, ita ut gravitatis punctum sit infra punctum fixum, tunc punctum gravitatis quantum fieri potest a puncto fixo removeri conetur; si vero pars frontalis gravior esset quam pars occipitalis, punctum gravitatis erit propius ad frontem quam ad occiput; hoc maxime descendente, frons occipite esset inferior, quia caput libere natat. Hoc igitur assumpto contrarium potius eveniret, phaenomeni observati. Consideratio vero capitis infantilis, docet faciei ossa graviora quidem quam occipitalia, occiput vero gau-

gaudere forma latiore, quare in parte sectionis perpendicularis occipitali longe maxima cerebri pars et totum cerebellum continebitur; dein partes quaedam molles ad partem facialem pertinentes ad capitis gravitatem pro parte tantum tribuunt, lingua verbi gratia et musculi qui a trunco ad caput pergunt. Videamus jam quid necessario eveniat, forma capitis in censum ducta, et assumpta aequali partis anterioris et posterioris gravitate. Distantia puncti gravitatis a fronte erit major quam ab occipite, quia forma frontis est minus lata quam occipitis, et punctum gravitatis situm pono in perpendiculari pergente a medio lineae jungentis processus condyloideos ossis occipitis, ad capitis summam partem. Dum caput liberum haeret in liquore amnii, summa capitis pars, vertex, seu punctum circumferentiae capitis proximum puncto gravitatis prius descendet. Verum infans citius crescit quam ovum, quod quidem ab omni parte ab utero sustentatur; ergo caput prius descendens hic primam sentiet resistantiam; et partes primum resistantiam sentientes erunt frons et occiput; jam eo quod frons longius distat a puncto gravitatis ergo et in nostro casu, puncto motionis, vectis ab hac parte longior aderit; uteri vis resistens, contemplata tanquam activum aliquid, continuo agit, et quidem eadem vi in frontem et occiput, necessario hinc in frontem plus efficiet quam in occiput, et haec esse ratio quare occiput prius descendat mihi visa est.

III. Postulatum tertium pro prima positione est, quod occiput infantis sit versus cavitatem cotyloideam sinistram, id est, quod diameter capitis compositus seu intermedius inter perpendicularem et longitudinalem sit in illo diametro obliquo aperturae pelvis superioris, ubi nullae partes aliorum viscerum hunc diametrum

angunt: cujus positionis causam hanc statuerem. Intestinum rectum pelvim intrat ad partem posteriorem sinistram, ibique causam tradit, quare secunda BAUDELOCQUII positio primâ sit minus fausta; ast idem illud intestinum causam ostendit, quare saepissime prima adsit positio. A teneris jam continua hujus intestini functione, repletionem, uterus directionem aliquam assumit versus partem dextram, quae quidem obliquitas adeo frequenter occurrit, ut fere naturalis sit habita. Hanc obliquitatem clarius ostendit uterus gravidus, cum nempe distentus in obliqua directione surgit, et diameter uteri longitudinalis longior evadit; dum liber haeret foetus in omnem facile partem movetur, increscens verò situm, quo uterus gaudet, necessario assumet; uteri fundus erit ad foeminae partem dextram, ergo foetus inferior pars habebit directionem versus partem sinistram; ex causa in N^o. 2. memorata descendit occiput prius quam frons, ergo et occiput erit situm versus partem foeminae sinistram; i. e. partu instante et ostio uteri dilatato, descendet ita caput in aperturam pelvis superiorem, ut adsit positio prima.

T A N T U M.